

Матфеин 20 бөлг.

1. Бурхна Тенгрин орн-нутг герин эзн залута эдл, тер өрүн эрт гертэсн һарад, уста үзм тэрсн һазрт көдлх эмт нээмэдлхэр йовж одв.
2. Эн нээмэдлсн көдмлшнчрт нег динарий өдрин дуусн көдлхлэ өгх болж күүндж.
3. Йисн часин алднд эн гертэсн һарад, талдан улсиг үзв, тедн көдлмш угаһар базрт зогсжасмн.
4. Эзн залу эднд келв: «Тадн бас мини уста үзм тэрсн һазрт одад көдлтн, таднд өггдх юмиг - өгнөв.» Тедн йовцхав.
5. Эн дэкэд үдин алднд һарад, үзсн эмитиг уста үзм тэрдг һазртан орулад көдлүв.
6. Аш сүүлднь тавн часла эн талдан улсиг олж авв, тедн юм келго зогсжахла, теднд келв: «Яһад тадн бүкл өдр көдлго энд зогсжахмт?»
7. Тедн хэрү өгв: «Мадниг күн нээмэдлсн уга.»  
Тиигхлэ эн теднд келв: «Тадн бас мини уста үзм тэрсн һазрур одтн, тадн олзта болхт».
8. Асхн ирхлэ, уста үзмин һазрин эзн эврәннь залачд келв: « Көдлмшчнриг дуудад, жалвинь цугтаднь өгтн, сүл ирснднь - түрүлэд өгтн, дарунь-үдин алднд ирснднь өгтн, өрүн ирснднь - сүүлднь өгтн.»
9. Тавн часин алднд көдлмшт ирснь - нег динарий авцхав.
10. Түрүлэд ирснь жалван икэр авх гиж сансн билэ, зуг эдн бас нег динарий авцхала.
11. Жалван авад, эдн герин эздн һундлан келцхэв:
12. «Көдлмшин сүүлд ирсн эмтн нег час көдллэ, чи мадниг теднлэ дүнцүлүч, мадн болхла, күнд халунд бүкл өдр көдлүвидн.»
13. Теднэс негнднь эн хэрү өгв : «Нээж! Би чамаг һундасн угав. Өдрт нег динарий авх - чи ма хойрин бооцан биший?
14. Эврәннь жалван авад йов. Сүүлднь ирснд өгсн жалв, чамд өгсн жалвла эдл.

15. Эврэннь мөнгөн дурарн күүнд өгх нанд зөв угай? Мини цаһан седклд үлү үзжәнч?
16. Сүл ирснь -түрүңкнь болх, түрүңкнь - сүүлцкнь болх, яһад гихлэ дуудсн эмтн олт, зуг шүүж авснь - баһ».
17. Иисус Иерусалимүр күрх хаалһар йовж йовад, арвн хойр сурһульчнран хооран дуудад келв:
18. «Мадн өөдән Иерусалимүр һарчанавидн. Тенд Күмни Көвүг Бурхна ах эрүн улст болн Бурхна дегтр бичдг эмтнд бэрүлж өгэд, зарһд орулад, Терүг цаажла харһулх.
19. Бурхнд иткдго эмтн Терүг дорацулх, цокх, шилврэр шавдх, кирст хадх, һурвдгч өдрт Тер эмдрх.»
20. Терүнэ хөөн Зеведеин көвүдин эх көвүдтәһән Иисусур өөрдв. Эн сөгдэд, юм сурхар седж.
21. Иисус терүнэс сурв: «Танд юн кергтә?» Эн Терүнд келв: « Бурхна Теңгрин орн-нутгт мини нег көвүм Танас барун хажуд суутха, хойрдгчнь зүн хажуд суутха»
22. Иисус хэрү өгв: « Ю суржахан меджәхшт. Мини уусн аһас ууж чадхийт? Мини эдлх зовлңгиг тадн тесж чадхийт?» Тедн Терүнд келцхэв: «Чадхувидн.»
23. Тиигхлэ Иисус теднд келв: «Мини аһас уухт болн Мини йовсн хаалһар Намаг дахад йовхит. Кен Нанас зүн, болн барун хажуд суухинь Нанд меддг зөв уга, зуг эн Мини Эцкин зөв»
24. Үлдсн арвн күн Терүг соңсад, эн ах дү хойрт уурнь күрв.
25. Иисус тедниг дуудад келв: «Нойдуд, толһачнр, болн теднэс ик йостань олтн эмтиг нойрхна, тадн меднэт.
26. Тадна дунд тиим юмн болх зөв уга. Кемр тадн дунд негнтн ик йоста болхар бәэхлэ, зарц болг.
27. Кемр тадн дунд негнтн түрүнк болхар бәэхлэ ,таднд мухла болг.
28. Күмни Көвүн эмт зархар ирсн уга, бийнь зарц болхар, эмтнэ килнц тәвүлхин

болн аврхин төлэ Эврэннь эмэн өгхэр ирсмн.

29. Иерихонас эдн хархла, Иисусин ард оln эмтн йовла.

30. Хаалһин өөр хойр сохр күн суула. Хажуһарнь Иисус давж одхла, эдн эклэд хээкрв: «Деед Эзн! Давида Көвүн! Мадниг хээрлтн!»

31. Эмтн күчэр ду һардгинь уурулхар седв, болв эдн улм чаңһар хээкрцхэв: «Мадниг хээрлтн! Деед Эзн! Давида Көвүн!»

32. Иисус зогсад, тедниг дуудад сурв: «Нанас таднд юн кергтэ?»

33. Эдн Терүнд хэрү өгв: «Деед Эзн! Мадна нүднд хара орултн!»

34. Иисусин санань зовад, теднэ нүднд һаран күргв. Теднэ нүднь секгдв, тегэд хоюрн Иисусин ардас дахад йовцхав.